



## Inatsisartut

Aningaasaqarnermut Ataatsimiititaliap  
Finansudvalget

Ulloq/Dato: 4. juli 2011  
J.nr.: 01.31.06/11-00539

### Aningaasaqarnermut Naalakkersuisoq

#### Aningaasaqarnermut Ataatsimiititaliap suliaq nr. 01.31.06/11-00539 pillugu sisamangornermi ulloq 30. juni 2011-mi aalajangiineranik Naalakkersuisunut ilisimatitsineq.

#### **Kullorsuarmi atuarfimmumut atuinerussutinut aningaasanik nikisiterinissaq**

##### Naalakkersuisut **inassutigaa**,

- kontomi pingaarnermi 84.40.09-mi, Inuussutissarsiutitigut ilinniartitaanermut tunngasumi, suliasamat nr. 150.51.015-imut, Ummannami Aalisarnermut Piniarnermullu Ilinniartimmumut tunngasumut, aningaasaliissutit 400.000 koruuninik ikilineqassasut,
- kontomi pingaarnermi 84.40.10-mi, Kommunini atuarfimmumut tunngasumi, suliasamat nr. 096.50.095-imut, Niaqornaarsummi Atuarfimmumut tunngasumut, aningaasaliissutit 200.000 koruuninik ikilineqassasut, suliasamat nr. 123.50.114-imut, Saqqami atuarfimmumut tunngasumut, aningaasaliissutit 600.000 koruuninik ikilineqassasut aamma suliasamat nr. 167.50.082-imut, Kullorsuarmi atuarfimmumut tunngasumut, aningaasaliissutit 1,5 mio. koruuninik amerlineqassasut, aamma
- kontomi pingaarnermi 84.40.12-imi, Ilinniartitaanermut sanaartukkanut tunngasumi, suliasamat nr. 120.52.042-imut, Ilulissani Perorsaasunngorniat Ilinniartimmumut tunngasumut, aningaasaliissutit 2011-mi 300.000 koruuninik ikilineqassasut.

#### **Aningaasaqarnermut Ataatsimiititaliap oqaaseqaatai**

Kullorsuarmi atuarfiliornermi atuinerussuteqartoqarnissaanik naatsorsuutiginninnerup aningaasaliissutitigut matussutissaqartinnissaa siunertaralugu sanaartukkanit arlalinnit naammassereersunit aningaasanik nuussinissaq Naalakkersuisut suliami matumani qinnutigaa. Sanaartugassamat katillugit 38,8 mio. kr.-init aningaasaliissutigineqarsimapput 1,5 mio. kr.-inillu taakku ilaneqarnissaat qinnutigineqarluni. Paasissutissiissutigineqartut naapertorlugit atuarfiup naqqani annertuumik oqoqarnera aningaasaliissuteqaqqinnissamik pisariaqartitsilernermut pissutaavoq. Paasissutissiissutigineqartut malillugit sanaartukkami taama nutaajutigisumi oqoqarneranut sanaartornermik nakkutilliinerup taamani Upernaviup Kommuniusumit ingerlanneqartup amigarneranik pissuteqarpoq.

Aningaasaliissuteqarnissamik suliami 10-478-imi Aningaasaqarnermut Ataatsimiititaliap Naalakkersuisunut ulloq 17. juni 2010-mi allagaata eqqaasitsissutiginnissanut suliaq una pissutissaqalersitsivoq, taamani Aningaasaqarnermut Ataatsimiititaliaasoq ilaatigut ima allappoq:

*”Taamatut akisunerulerneranut aningaasat matussutissat Sanaartugassanut Iluarsagassanullu Aningaasaateqarfimmi sanaartukkanit naammassineqareersunit nuussinikkut Naalakkersuisut pissarsiaarat. Tamatuma kinguneraa 2010-mi IST-p inerneranut missingersuutit qinnuteqaammit sunnerneqassanngitsut imaluunniit*

*aningsaanut inatsimmi sillimmatinut kontot killiffii allanngortinneqassanngitsut.*

*Suliassap akitsorneranut aningaasalersuutissanut siunnersuummik Naalackersuisut saqqummiussinerat Aningaasaqarnermut Ataatsimiititaliamit ataatsimut isigalugu pitsaasutut isigineqarpoq. Taamaakkaluartoq Sanaartugassanut Iluarsagassanullu Aningaasaateqarfimmi sulianik naammassineqareersunik misissuinikkut 13 mio. kr.-itut amerlatigisunik nassaartoqarsinnaanera ataatsimiititaliamit assut eqqumiigineqarpoq. Sanaartugassanut Iluarsagassanullu Aningaasaateqarfimmi aningaasat qanoq amerlatigisut sanaartugassanut ilumut attuumassuteqavannersut pillugu ataatsimiititaliap isumaliutiginninnissaanut tamanna pissutissaqalersitsivoq. Sanaartugassanut piviusorsiunngitsumik missingersuusiorneq suliassanilluunniit naammassinninniarnep kigaanera pissutigalugit nunatta karsiata aningaasaatai annertuut ukiumoortumik aningaasanut inatsimmi pingaarnersiuiinermi ilanngunneqartanngippata tamanna naapertuuttuunngilaq Missingersuusiornermullu inatsimmi Sanaartugassanut Iluarsagassanullu Aningaasaateqarfik pillugu siunertarinqartunik unioqquitsinerulluni.*

*Tassungaa atatillugu Sanaartugassanut Iluarsagassanullu Aningaasaateqarfimmi sanaartugassanut aningaasaliissutit atornerqarnerat pillugu piviusorsiortumik missingersuusiortarnissaq ataatsimiititaliamit ukiorpassuarni kaammattuutigineqartarmat Aningaasaqarnermut Ataatsimiititaliap eqqaasitsissutiginnitsoorusunngilaa.”*

Siuliani issuakkat tunngaviumik isigalugu suli atuuttut maanna Aningaasaqarnermut Ataatsimiititaliaasumit isigineqarput.

**Aningaasaqarnermut Ataatsimiititaliap aalajangiinera**

Siuliani allasimasutut paasinnilluni Naalackersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliap sinnerlugu

Olga P. Berthelsen  
Aningaasaqarnermut Ataatsimiititaliap siulittaasua